

Число I.

Ужгород, 1-го января 1924.

Рочник IV.

БІЛЮВІСТІШІ



Заложуйте свои вкладки до Централъ або філіялік
ПОДКАРПАТСКОГО БАНКА.

СТАН ВКЛАДОК ПОВЫШЕ: КЧ. 10.000,000.

В всяких финансовых и господарских дѣлах доставить Вам скору, точну и бесплатну пораду :-:
ПОДКАРПАТСКІЙ БАНК В УЖГОРОДЪ.

Своими заощаднеными гелерами при доброму опроцентованю капитала подпираите свой народный
ПОДКАРПАТСКІЙ БАНК В УЖГОРОДЪ.

Истинно народна, руська и славянска институція есть
ПОДКАРПАТСКІЙ БАНК В УЖГОРОДЪ.

Свой до своего!
Пересылки долларов до Америки з дозволом
Банковного Уряду выконуе :-:-:-
ПОДКАРПАТСКІЙ БАНК В УЖГОРОДЪ.

Переказы до Галичин, Польщъ и др. держав
Европы и Америки выконуе найвыгоднѣйше :-:
ПОДКАРПАТСКІЙ БАНК В УЖГОРОДЪ.

Замѣну старых ческословенских банкот (Кч. 5000,
500, 5.—) переводить :-:-:-
ПОДКАРПАТСКІЙ БАНК В УЖГОРОДЪ

в Банковном Урядѣ Министерства Финансов.
Америцькѣ десеквестраціи, исекураціи и компензациї за померших в Америцькѣ переводить :-:
ПОДКАРПАТСКІЙ БАНК В УЖГОРОДЪ.

За вкладки (льокації) платить
ПОДКАРПАТСКІЙ БАНК
:-:- 5%—6%. :-:-

Путешественна канцеларія продажа желѣзнодорожных карточок на цѣлу територію
Республики и до всѣх сторон свѣта має

ПОДКАРПАТСКІЙ БАНК В УЖГОРОДЪ

Число 1.

Ужгород, 1. января 1924.

Рочник IV.

БЛАГОВѢСТИЯ

ДУХОВНА ГАЗЕТА ДЛЯ ПОДКАРПАТСКИХ РУСИНОВ

Выходить двараз в мѣсяць
каждого 1-го и 15-го.

АДРЕС:
Редакція: Kapitulska ulica 3.
Адміністрація:
Užhorod, Duchnovičova č. 12.

ПРЕДПЛАТА:
на рок 12.— К
одно число 1.— К
За границю 20.— К
До Америки 1 Д.

ОБЯВЛЕНИЯ
принимаются по цѣнѣ
за 1 сторону 200 К
за 1/2 сторону 120 К
за 1/4 сторону 65 К

Наше Роздво

Земля покрыта бѣлым снѣгом, синьое небо темными хмарами. Спочиває природа. Спить сном глубоким, сном твердым.

В селах веселѣ колядники ходять, под окнами весело спѣваютъ, в хижах теплый огень горить, в церквах с восторгом спѣваютъ: „Слава въ вышнихъ Богъ и на земли миръ въ человѣцѣхъ благоволеніе“.

Красный вид! Если бы ангелы из неба позерали на Подкарпатску Русь, из радости руками бы плескали и спѣшили бы до Бога с благою вѣстею: „Отче, Царю небесный, не е лѣпшого, не е побожнѣйшого народа на цѣлой земли от твоего руського народа“.

Так ся видить из далеку. А в дѣйсностї правѣ на руби е. Не е туй ни славы Божой, ни мира меже людьми ни благой воли меже русинами.

Нешастна религійна борьба розбила туй все, что было Божое, милое и красное.

Ци то слава Божа, что мѣсто правдивої Христової вѣры из дня на день лѣпше розширяєся Фотіова шизма и всякѣ иншѣ ереси? Ци то слава Божа, что „православнѣ“ батюшки забороняють русинам кланятися по старому милому звычаю: „Слава Іисусу Христу“? И то ци слава Божа, что от тогды, от коли туй закоренилося „православіе“ что раз лѣпше росте розпуста, безвѣріе и всякѣ иншѣ грѣхи?!

И де туй мир на Подк. Руси? Туй, де люди про бороды батюшок с бойкою идутъ на друг-друга,

Сторона 2.

„БЛАГОВІСТНИК“


Рок 1924.

туй где на улицях, на полях в хижах; в постоянных сварках живут люде, туй, где сын против отца, дѣвка против матери, брат против брата стоить и нищить друг друга, руській христіянскій народ!?

И все то зато, бо не е доброй волѣ в сердцах людей. Гнѣв, ненависть, заздрость, гордость, наповняют сердца людскѣ мѣсто любви ближнього и любви ко Богу. Подкарпатска Русь не е еще обреленным виноградом побожности. Духовники мають еще великъ и тяжкѣ працѣ перед собою, а сам народ мае душевно обновляти ся и стати дѣйстно христіянином.

Зато щирый русин и правдивый христіянин не мае еще причины радоватися и веселитися; чорнѣ хмары появилися на небосклонѣ и затемнили и тоту звѣзду, котра возвѣщає Рождество Спасителя.

Но и темнѣ ночи и лютѣ бурѣ и студенѣ зимы не суть вѣчнѣ. Прійде час, коли збаламучений народ прийде до разуму, коли настане свѣтло Божое в его темной головѣ и чисто увидить, куда его веде блуд и ересь. Се есть огень для нас, в котром очищає золото, есть буря, в котрой очищає ся воздух, есть для нас школою горькою но научаюю нас высоко цѣнити нашу милу гр.-кат. вѣру. Теперь нѣт, но на певно прійде час, коли щиро буде спѣвати наш руській народ так в церкви як под окнами: „Слава в вышных Богу и на земли мир в человѣцѣх благовolenіе“.





Наука о вѣрѣ.

§ 1. Вступъ.

Чоловѣкъ сотвореный на сей свѣтъ, чтобы Бога познавъ, ему служивъ и такъ по смерти спасень бывъ.

1. Познати Бога можно свѣтломъ чоловѣчого розума изъ сотворенного свѣта. „Небеса покѣ даютъ слакъ Божію, твореніе же рѣкъ его возвѣщаєтъ творець“. (Пс. 18, 1.) И дѣйстно, видимый свѣтъ и на немъ безчисленнѣ сотворенія, прекрасный ладъ и превосходна красота природы голосно извѣщають существованіе одного всемогущего и премудрого Сотворителя-Бога, такъ, что св. Павель съ правомъ могъ сказать: „Накидниши бо его отъ созданія міра творенъми помышляема видима свѣтъ“ (Р. 1: 10).

Но понеже изъ видимого свѣта только существованіе Бога и его декотрѣ свойства (всемогущество, премудрость и т. д.) можеме познати, зато Богъ для лѣпшого познання своего существа, свойствъ и воли своей благоизволивъ себѣ людямъ открыти, обявлятися. Сie дѣйствие Бога, коли онъ самъ научае людей на истины вѣры и дае заповѣди людямъ, называеся: откровеніемъ Божіимъ. Сie откровеніе Божое началося въ раю, где Богъ с праодителями говоривъ, продолжалося патріархами и пророками, черезъ которыхъ себе жидовскому народу обявивъ и совершилося своимъ единороднымъ Сыномъ Ісусъ Христомъ, черезъ кого найсовершенѣйшимъ способомъ обявивъ себѣ цѣлому свѣту.

2. Понеже въ откровенію самъ Богъ говорить къ людямъ, зато кождый чоловѣкъ повиненъ сie откровеніе Божое пріяти т. е. вѣровати. Вѣра также въ смыслѣ христіанскомъ только значинь, якъ за правду держати все, что Богъ, вѣчна правда людямъ обявивъ.

Вѣра есть не только дѣломъ ума, черезъ что порозумѣеме Божое откровеніе, но есть и дѣломъ нашоѣ

волѣ. Не доста лишь умомъ похопити Боже откровеніе, но чтобы чоловѣкъ ставъ вѣрючимъ, має еще и волю свою наклонити до принятія откровеної истины. Окрѣмъ сихъ вѣра есть еще дѣломъ Божої ласки, котра розумъ намъ просвѣщає и волю наклоняє до вѣровання.

3. В особѣ Ісуса Христа довершилося и докончилось Боже откровеніе. Но чтобы ученіе Бога доступнымъ здѣлати для всѣхъ людей всѣхъ вѣковъ, Христосъ з'организував одно товариство, (сіе онъ самъ церковю называвъ) и передавъ сему должностію разпространяти Боже откровеніе межи всѣми народами „до скончанія вѣка“. Першимъ наставникамъ сей церкви, апостоламъ сказавъ: „Шедше вѣно. Учите всіхъ языки вчаше нухъ блести всіхъ, єлика заповѣдахъ вамъ: се азъ съ вами єсмъ во всіхъ дни до скончанія вѣка.. (Ме. 28, 19, 20.)

Днесь управителями Христової Церкви являються наслѣдники апостоловъ: римскій отецъ, епископы и ихъ помочники священники: они повиннѣ межи нынѣшними людьми проповѣдати Боже откровеніе. Таке днесь откровеніе Боже познати можеме изъ ученія хр. каѳ. Церкви, и каждый чоловѣкъ довженъ вѣровати то, что хр. каѳ. Церковь изъ приказа Христового для вѣровання предложить. „Слухай власъ, мене слухаєтъ и отмечайся васъ, мене отмечаетса..“ (Лук, 10. 16.)

4. Церковь Христова свое ученіе изложить, предкладає въ тезахъ. Теза, котра содержає въ собѣ одну отъ Церкви опредѣлену истину, называється догматомъ: отрицаніе догмата называється ересею. Св. Церковь уже отъ апостолскихъ временъ складала сесѣ догматы въ „исповѣданіяхъ вѣры“ т. е. въ символахъ. Такѣ символы:

1. Апостолскій символъ, изъ часовъ Апостолскихъ.
2. Никео-Константинопольскій, котрый составленъ на соборахъ Никейскомъ (325) и Константинопольскомъ (381).
3. Аѳаназійскій, мильно св. Аѳаназію приписаний (изъ 4-го столѣтія).

4. Тридентійскій, котрый содержає въ собѣ опредѣленія Тридентійского (1545) собора. Къ сему приключень догматъ Ватиканского собора о непомильности римского отца.

Велика розниця находится межи догматами вѣры и межи обрядомъ Церкви. Догматы суть религиознѣ истины, даннѣ людямъ въ божественомъ откровенію. Они суть неизмѣнными и только то, что въ нихъ неясное, Церковь уясняє, опредѣляє и преподає вѣрнимъ якъ обязательный членъ вѣры.

Напротивъ сего обряды суть способы або чины совершенія публичного богослуженія, изъ которыхъ только (дуже мало) существительнѣ и головнѣ части установленѣ самимъ Спасителемъ. (Якъ, „Отче нашъ..., изъ службы лишь Приймите, ядите... Пійтте отъ нея всѣ...“ и форма крещенія: „Крещається рабъ Божій“).

Установити посты, праздники, молитвы и ектеніи ли-

тургіи, обрядъ св. таинъ и т. д. все то дано Церкви, о которой сказано, что кто еѣ слухае, Христа слухае. И Церковь дѣйстно пользовалася властю отъ Христа полу-ченою и установила посты, праздники, мѣсто субботы за-вела недѣлю, украсила молитвами и пѣснями литургію, выдавала законы и т. д. Она добре знала, что церковнѣ обряды не належать до сущности вѣры, и зато уже отъ початку дозволяла, чтобы заведенія были разнѣ церк. об-ряды. Такъ на Востоцѣ заведена была литургія св. Якова апостола, котру скротивъ св. Василій и потомъ св. Іоанъ Златоустый: на западѣ уживали литургію св. Петра, котру доповняли часомъ св. папы Геласій, Левъ Великій и Гри-горій Двоеслов. Знала добре Церковь, что догматы то душа религіи и мае быти все одна и неизмѣнна, обря-ды же суть подобнѣ тѣлу чоловѣка, которое подвержено всяkimъ змѣнамъ. Вѣра мае быти одна, доки в одной вѣрѣ могутъ истиновати разнѣ обряды.

Найважнѣйшѣ обряды въ каѳ. Церкви: обрядъ грецкій т. е. восточный и обрядъ латинскій т. е. западный.

Христова Церковь въ проповѣданію откровенія Божого приспособляється до св. Писанія и св. Преданія такъ, что изъ сихъ, якъ изъ источниковъ черпає свое ученіе.



„Слава въ вышихъ Богу!...“

Оповѣдання.

I.

Прекрасный вечер быв...

Небо синьое было, як море, коли сонце пойшло спочи-вати... Прекраснѣ звѣзды блищали на нем... Видав и звѣзды почули свято и зато взяли на себе таку свѣтлу святочну одежду. Святый вечер быв...

В селѣ, в котором лише малѣ хижки стояли не далеко одна од другоѣ, великий рух быв. В хижках повсюду свѣтло было, свѣтила лампочка, свѣтив огонь на ватрѣ, свѣтила и любов в сердцѣ горюча, бо святый вечер быв... Дѣти под вызорами, по улицях ходили с звѣздами и бетлегемами а большѣ люде

в великих группах ходили звѣдаючи: Пане газдо, ци даете веселити на сей святый вечер? И де дали дозвол, из щирого сердца радостно почнеся коляда: „Божій Сын днесъ народаўся!“

Святый вечер быв... Снѣг падав великими пугами, ко-трѣ прекрасно побѣли землю.

Святый вечер быв и у Ивана Софилканича. Теплый, радостный, любимый вечер... Старый Иван там сидѣв коло стола, меншъ дѣту с авѣздою обхоживали стол и так радостно спѣвали: „Народився Іисус Христос...“ чѣ и слези имъ выйшли из очей. Лишь Анночка была смутна. Она не колядowała, не позирала и дарунок, чѣ „принес ей Христочко“, — лише спустила голову в двѣ руки и докѣ другим то казала, чѣ болить еѣ голова, доти еѣ сердце плакало, смутное было, а из очей еѣ лиш лялися слезы в долони, ид котрым так притисла свою голову...

Думки еѣ там были коло Ивана... Боже, як ишак было то колись, коли еще и Иван пришов до них колядовать... Тогда сидѣв коло неѣ и говорили и спѣвали, подчим с теплыми очима позирали на ся взаимно а душевными очима вже видѣлися в одной новой, красной хиждѣ, де так щастливо будуть жити в едно, до конця житя...

Сякое думала Анночка и занимала бы была ся и на дале сякими думками, если бы быв малый Василько не Ѵмив еѣ за шию, и если нянько еѣ не поинав бы быв бесѣду:

— Так шкодую своего сусѣда, якій добрый чоловѣк быв, а тепер там в блуд пошов...

— Так е старый — казала ему и жона. — Ци так лиш минувшого рока еще в одно колядовалистѣ с Иваном и я.. я так думала, чѣдь Бог поможе, и буде з сего дашто... Но... — и туй уже стала, бо плач перервав еѣ бесѣду...

Мати еѣ пойшла ид неѣ.

— Аяночко что тобѣ? Чому плачеш? Кажи моя дитинко!

— Нич мамочко! Голова ня болить, иду спати... — И с сим отклонилася, взяла своего маленького братчика на руки и пошла до „парадњоѣ“ хижѣ ...спати.

II.

У Ивана Кочкового велика свада была, хотяй быв святый вечер. Там не колядовали, бо старый Кочка ударив на стол и великим голосом сказав: Не пойдете завтра до сеѧ церкви! Я ся не дам высмѣяти, бо держу стару апостольску вѣру, я не чапиш и няньо ми не быв тым, а ты кидь хочеш ити, иди, айбо я больше не хочу тя и спознавати...

— Няньку, няньку, что вам ся стало. Чому не хотите ити до нашей церкви?

Коли се Иван выказав, старый встав як шершень и

Рок. 1924.

„БЛАГОВѢСТИНИК“

Сторона 7.

если бы была его жона не имила за руку, видав вер бы быв въ нього великою корчагою.

— Старый, не будь такій, та что ся стало тобѣ, ты нигда не быв сякій. Боже! Та ци се святый вечер...? — И почала жалостно плакати...



,Дѣти под вызорами и по улицях с звѣздами и бѣлгемами ходили . . . (Рисунок О. Бокшая).

Старий подпер голову... Мало мовчав а потому почав высказати :

— Что менѣ святый вечер? Ци видиш яку славу чинять Христу, коли он никогда не мав сяку славу... Пыт! жено! Не говори! Идѣм спати!

Лампочка загасла въ скорый час, пошли спати, старый

сердито, а мати, жена Кочки и дѣти с смутным жалостным сердцем и коли вже темно было в хижѣ, жена стала на колѣнки и почала молитися из щирого сердца: „И не вѣди насъ въ искушеніе, но избави насъ отъ лѣкаваго...“

III.

Іван правѣ теперь вернувся из Повечерія... Еще все звучала му в ухах свята пѣсня: „**Съ нами Богъ, разумѣйтѣ азыцѣ и покарлитеся, тако съ нами Богъ...**“ Смутный быв. Минувшого рока в едно ишли с Анночкою и до церкви и из церкви, бо тогда колядовали до полночи, а теперь не быв...

Пошов пообзирати маржину, дав ей Ѵсти, и так люг... Но сон не имив его. Так му ся вилѣло, что еще никогда не мав сякій смутный святый вечер. Он то думав, что на нарок в'едно будуть святковати святый вечер, а теперь пропало всьо... Анночка не по йде за сына отступника вѣры, который залишив свою правдиву вѣру. Айбо что — подняв голову... потом пустив еѣ на подушку и заспав... Снило му ся...

Ангел пришов к нему... поцѣловав его, принес ему чашу и дав ему пiti з неї... Выдерж брате! Не дайся... Бог ти нагородить твоѣ муки... Христочко тобѣ принесе великій дарунок... Лиш не дайся извести... Бог поможе... И з сим одлетѣв од него.

IV.

Другого дня, на першій день Рождества зазвонили на Службу. Люде з радостными лицами ишли. Лиш од Ивана Кочковога нѣт. Осталися дома, бо они не идутъ до „папишскоѣ“ церкви...

Іван однак рушив. Коли дойшов до хижѣ Анноччиноѣ, она правѣ тогда выйшла. Радостно позвѣдала:

— Де идеш, Иванку?

— На службу, Анночко!

— Де?

— До нашоѣ церкви, нянько не иде, но я яйно...

— Та ты с нами Иванку? Ты не пошов с своим няньком на нову вѣру?

— Нѣт! И не пойду...

В сей минутѣ дакто гойкнув з заду: Иване! Анночко! чекайте! Иду и я.

Старий Кочка быв... Подумав дѣло...

Они стали и под чим старого чекали, Иван имив Аннучку за руку и радостно казав:

— Тебе Христочко принес менѣ! Ци так, на нарок вже ведно будеме святковати...

Анночка стисла руку Иванову и от радости с слезами наповненными очима блаженно казала:

Слава въ вышнихъ Богъ!

Димитрій Попович.

Из шизматицкого раю.

Венямин шизматицкий Гуситский епископ у пр. гр. кафт. церквах. Шизматики, то є отступники правдивої Христової науки, от коли отступили, уже чось четвертого епископа мають, айбо и еден не е законным бо и сами вѣрники ище не суть законом узнатъ, ибо щось оттягаются от законного переходу з года 1868 : LIII. 3—8. а без сього аж бы як мудровали не можуть быти законными отступниками.

На праздник Входа в Храм Пр. Богородицы Венямин епископ кончив литургію в пр. гр. каѳ. церкви, забранной шизматиками-разбойниками у другий раз на силу, с кам'ньом и пистолями в Копашновѣ.

На епископську литургію появилися и бывшъ гр. каѳ., — щобы чули ци справдъ и епископ так знає науку Христову як его пан викарій, архидіакон, декан, батюшка и бохтер Юра Кениз. Но дуже здивовалися, коли учули цѣлком дуже противну науку. А пан бохтер Кениз каже, что гр. каѳ. умоляють болваны и суть вороги Христовъ и так не свободно их любити. Епископ Венямин отверто сказав, что кого совѣсть не тягне на шизматицку вѣру, того не свободно на ню принуждати, бо каждый кто вѣрує в Ісуса Христа як сына Божого и честус Преч. Дѣву Марію як Божу Матерь, не погибне и спасеся в своїй вѣрѣ и додав что и римо каѳ. православнъ, а уніяты то такй такъ як мы. Многотитулярный пан бохтер Кениз стояв за епископом як и епископ лицем ид народу и смутно, но гнѣвливо спустив голову долу и лиш помаховав головою на то, як бы быв хотѣв казати, что епископ не добре говорить.

По одправѣ як уйшли вон, Иван Гангур бывшій староста заступник Гелебана закричав, но ци чуете, як учить нас не гусопас, не кочіш и бохтер, осе майже пр. епископ аж такчувствує и держить як говорить.

Гангур бывшій староста готовився и едну гр. каѳ. депутацію повести до Венямина, чтобы видѣв, что просто брехня, что цѣлое село оставило правдиву Христову вѣру, но потому лишилися от сего, бо знали, что Кениз нияк не пустить их до biskupa, абы не дознався, что, як инколи, так и теперь не говорив бохтер правду. Мудрый Кениз еще перед пришествіем епископа хотѣв быв собраніе держати, на котором хотѣв примирити и пр. гр. каѳ-ов ид собѣ. Но они не дадуться бохтером обманути, они, котрѣ осталися суть першѣ лѣпшѣ люди, котрѣ были старостами, кураторами и іншими сѣльськими урядниками.

Пане епископе Венямине! Берѣть на знаня, что в Копашновѣ 1/3 твердых и непоколебимых пр. гр. каѳ-ов е а колько е таких, что лиш через боязнь показуются быти отступниками (бо в Копашновѣ, мѣсяца септембра под еднимъ тыждньом згорѣло 12 копиць сѣна, близько 35—40 возов и то лиш у гр. каѳ-ов. Не майте

сердито, а мати, жена Кочки и дѣти с смутным жалостным сердцем и коли вже темно было в хижѣ, жена стала на колени и почала молитися из щирого сердца: „И не въведи насъ въ искушеніе, но избави насъ отъ лѣкаваго...“

III.

Иван правѣ теперь вернувся из Повечерія... Еще все звучала му в ухах свята пѣсня: „Съ нами Богъ, разѣмъйтѣ языцѣ и покарлитеся, тако съ нами Богъ...“ Смутный быв. Минувшого рока в одно ишли с Анночкою и до церкви и из церкви, бо тогда колядовали до половчи, а теперь не быв...

Пошов пообзирати маржину, дав ей юсти, и так луг... Но сон не имив его. Так му ся видѣло, что еще никогда не мав сякій смутный святый вечер. Он то думав, что на нароч в'едно будуть святковати святый вечер, а теперь пропало вѣсно... Анночка не по йде за сына отступника вѣры, который залишив свою правдиву вѣру. Айбо что — подняв голову... потом пустив еї на подушку и заспав... Снило му ся...

Ангел пришов к нему... поцѣловав его, принес ему чашу и дав ему пiti з неї... Выдерж брате! Не дайся... Бог ти нагородить твої мuki... Христочек тобѣ принесе великий дарунок... Лиш не дайся извести... Бог поможе... И з сим одлетѣв од него.

IV.

Другого дня, на першій день Рождества зазвонили на Службу. Люде з радостными лицами ишли. Лиш од Ивана Кочковога нѣт. Осталися дома, бо они не идутъ до „папишскоѣ“ церкви...

Иван однак рушив. Коли дойшов до хижѣ Анноччиноѣ, она правѣ тогды выйшла. Радостно позвѣдала:

- Де идеш, Иванку?
- На службу, Анночко!
- Де?
- До нашоѣ церкви, нянько не иде, но я яйно...
- Та ты с нами Иванку? Ты не пошов с своим няньком на нову вѣру?
- Нѣт! И не пойду!...

В сей минутѣ дакто гойкнув з заду: Иване! Анночко! чекайте! Иду и я.

Старий Кочка быв... Подумав дѣло. . . .

Они стали и под чим старого чекали, Иван имив Аннучку за руку и радостно казав:

— Тебе Христочек принес менѣ! Ци так, на нароч вже ведно будеме святковати...

Анночка стисла руку Иванову и от радости с слезами наповненными очима блаженно казала:

Слава въ вышнихъ Богъ!

Димитрій Попович.

Из шизматицкого раю.

Венямин шизматицкий Гуситский епископ у пр. гр. кафт. церквах. Шизматики, тоє е отступники правдивої Христової науки, от коли отступили, уже чось четвертого епископа мають, айбо и еден не е законным бо и сами върники ище не суть законом узнатъ, ибо щось оттягаются от законного переходу з года 1868 : LIII. 3—8. а без сього аж бы як мудровали не можуть быти законными отступниками.

На праздник Входа в Храм Пр. Богородицы Венямин епископ кончив литургію в пр. гр. каѳ. церкви, забранной шизматиками-разбойниками у другий раз на силу, с кам'ньом и пистолями в Копашновѣ.

На епископську литургію появилися и бывшъ гр. каѳ., — щобы чули ци справдъ и епископ так знае науку Христову як его пан викарій, архидіакон, декан, батюшка и бохтер Юра Кениз. Но дуже здивовалися, коли учули цѣлком дуже противну науку. А пан бохтер Кениз каже, что гр. каѳ. умоляютъ болваны и суть вороги Христовъ и так не свободно их любити. Епископ Венямин отверто сказав, что кого совѣсть не тягне на шизматицку въру, того не свободно на ню принуждати, бо каждый кто въруе в Иисуса Христа як сына Божого и честуе Преч. Дѣву Марію як Божу Матерь, не погибне и спасеся в своїй върѣ и додав что и римо каѳ. православнъ, а уніяты то такой такъ як мы. Многотитуллярный пан бохтер Кениз стояв за епископом як и епископ лицем ид народу и смутно, но гибвливо спустив голову долу и лиш помаховав головою на то, як бы быв хотѣв казати, что епископ не добрѣ говорить.

По одправѣ як уйшли вон, Иван Гангур бывшій староста заступник Гелебана закричав, но ци чуете, як учить нас не гусопас, не кочиш и бохтер, осе майже пр. епископ аж так чувствує и держить як говорить.

Гангур бывшій староста готовився и едну гр. каѳ. депутацію повести до Венямина, чтобы видѣв, что просто брехня, что цѣлое село оставило правдиву Христову въру, но потому лишилися от сего, бо знали, что Кениз нияк не пустить их до biskupa, абы не дознався, что, як инколи, так и теперь не гововив бохтер правду. Мудрый Кениз еще перед пришествіем епископа хотѣв быв собраніе держати, на котором хотѣв примирити и пр. гр. каѳ-ов ид собѣ. Но они не дадуться бохтером обманути, они, котръ осталися суть першъ лѣпшъ люди, котръ были старостами, кураторами и іншими сѣльськими урядниками.

Пане епископе Венямине! Берѣть на знаня, что в Копашновѣ 1/3 твердых и непоколебимых пр. гр. каѳ-ов е а колько е таких, что лиш через боязнь показуются быти отступниками (бо в Копашновѣ, мѣсяца септембра под єдним тыждњом згорѣло 12 копиць сѣна, близько 35—40 возов и то лиш у гр. каѳ-ов). Не майте

Сторона 10.

„БЛАГОВѢСТИК“

Рок 1924.

довѣрія ид вашому довѣреніку Кенизови, бо он вам лиш на соблазнъ буде. О его несправедливостях напишеме дасколько в слѣдующих числах Благовѣстника, он як щиро величав з початку и прославляв Изъске монашество, преосвященнаго Досифея, горазда и протесіи водив им на почестунок, а теперь найсильнѣйше против всѣх воюе; так буде и против вас. Аж не мог быти правдивый епископ Досифей, не будете и вы, аж есте оба одной вѣры.

Копашновська пр. гр. каѳ. громада через Благовѣстник дякує вам за проповѣдь, однакож не почитає вас за пр. епископа, бо и вы стались ровно участным розбойником законов свѣтських и Христовых. Свѣтський закон присудив и передав церков гр. каѳоликам, а Христов закон каже подержати свѣтський. Сяк и оден не поддержаный.

От имени гр. каѳ. громады подає Мих. Гелебан, прав. християнин а не розбойник христовых законов.

Борьба за церковь.

Крути—верти. Еще в лѣтъ случилося, что ракошинцы шизматики вломили ся в нашу церковь, где вѣрники гр. каѳ. вѣры богослуженіе оправляли. Священник тамошній за сіе святотатство запрашоти шизматиков, против которых розирава кончila ся 15 го десембра сего року.

На розиравѣ выявилось, якъ то люде шизматики. Брехали, крутили-вертили, лиш правду не хотѣли признати. Иван Лендъел Козак загаив и то, что быв караный за публичное збыткованя одного 72 рочного старця; безлично и дерзко выступив перед судом против п. учителя Николая Волка я, кто осмѣлився критизовать Венямина и т. д. Подобно так по шизматицки справовався и „сладкопѣвець“ Иван Микита Ферчик. Но все даремно было. Правда выяснила ся, а шизматики за свой злочин покутовати мають.

Ракошинскій.

Губернатор о законах Ческословенскої республики. Изъ Руськоѣ Мокры на днѧх пришла одна депутація до пана губернатора Бескида скаржитися на шизматиков и просити од него оборону законов против террора. Пан губернатор выслушав их а на конци сказав:

„Нѣт закона, ибо чехи их не респектують, лиш тогда, коли им добрый“.

Та такого еще сесь люде небораки не чули, хиба от самих шизматиков, айбо не из рота одного такого великого достойника, як губернатор Подѣ. Руси!

Пане губернаторе! Мы до теперъ терпѣли и страдали под гнетом шизматицким, но оживляла нас тата надѣя, что

суть еще законы и есть еще на только сильна Чехословен-ска Ренублика, что годна примусити своих поддаников до подержаня законов. Но вы нас и из сеъ надѣвъ вытверезили. Вытверезили из того мнѣнія, что мы свое можеме достати законным путем и законными средствами. Вы не видите, что сим вы сами возвали нас, чтобы мы — як и схизматики — войовали беззаконным способом. Се вы называете „полагод-женіем религійной борьбы“?

Депутація мала только разуму, что пошла и до пана вице-губернатора и повторила и перед ним вашъ слова о „законах ческих“. Вице-губернатор лиш покрутив головою, коли учуя ваше цѣнное мнѣніе о законах Ческословенской Ребліки.

Мы се дѣло так легко не лишаеме! Протоколы в наших руках суть и мы с тым пойдеме выше. Бо мы еще — жаль что не сме с вами на одном мнѣнію — все не утратили сме свою надѣю в силѣ законов и в том, что правда и право мусить на конци побѣдити.

Батюшка ногами топтав св. престол. Из Мараморошского Синевира досталисьме слѣдуюче письмо:

„Коли новый губернатор приїздив до Подк. Руси, то казав, что желає: „чтобы наш народ никогда не учинив такъ дѣла, котрѣ бы ганьбу донесли“. Но се не е так. Чому великій и ясный знак дали шизматики в Синевирѣ, на праздник св. Николая р. 1923. Синевирскѣ шизматники, которых вождами суть Горват Федор, Ледней Василь, Колько Василь, Куруд Ваэиль и Иван, котрѣ звязалися с шизматиками з Калины, что и на перед поговоренными способами на чолѣ с Василем „Христолюбивым батюшком“ одберуть гр. кат. церков од гр. кат. вѣрников. За сего зазначуеме, что сей превосходный батюшка еще перед трьома роками кочишом быв у вунѣговскаго священника.“

На день св. Николая, на перед засланѣ шпіоны Горват Федор и его товарищѣ узнали, что синевирскій гр. кат. духовник о. Евгеній Медведецкій пошов в Синевир Поляну в філіялку службу служити, побѣгли за батюшком Василем Бабичом, который вже чекав на них. Сей ревный отец Беняминовоѣ группы ишов на свою розбивающу роботу с около 250—300 членовою „комиссію“ происходячою из Колочавы, в руках с ножами...

Сеся „комиссія“ з вонку завела „отца“ Василя Бабича до сакристії, даја на него найкрасшѣ ризы и в первом рядѣ, отступшѣ кураторы, Пукошик и Иван Шмільков, по сему „отец“ Василій зачав „переєвящаючій обряд“. „Отец“ Бабич всѣо интересантно кончив, из престола изметав всѣо, посль сего на вышню часть престола стаъ на колѣнки и то сколѣнами топтав зато, чтобы уничтожив престол, коло котрого до сих пор уніят-

скій чорт кончив. Что скаже ид сему „епископ“ Венямин? Ця и се приписує „обряд“ гр.-восточно православный?

Коли се увидѣли люде, благочестивъ гр. кат, вѣрники, забѣгли у святилище позвѣдати „батюшку“ и „законы честуючого“ Горват Федора и их товаришов, что „дѣляють“. По сему однѣ вырвали чашу з его рук, котру с собою принююс, многѣ формально зорвали з него ризы, а были и такѣ, котрѣ ъмили злочинника „отца“ за довгое волося и за бороду, котрый ревучи просив: еще теперь раз отпустѣть менѣ, никогда не зайду больше до Синевира, ибо лиш тепер виджу, что Горват Федоры ужаловали мене, бо село гр.-каѳолицкое е“. И колочавску терроричну группу выбили, котра стремголов утѣкала из села.

Мы такѣ знали, что ни батюшка, ни другъ живѣ не вышли бы были, если бы не были жандары, котрим най буде слава, оборонили од кровопродитїя нашу святу, батюшкими „топтаніями“ осквернену церков. (Сесъ были: Іосиф Бартонек, Максим Ванек, Седлачек, Максим и Щава).

Главнослужный, котрому мы замелдовали дѣло, запер церков и пообѣцяв, что в смыслѣ законов буде поступати.

Велика агитація продовжається, Колька Василь и Клещук Петро розчехаються в ней; но задармо, бо вѣрники гр. кат. не пойдутъ в темноту, и не стануться „православными“ — лиш чтобы кочиш Василь Бабич мог пановати, и мѣсто хлѣва ко до престола быти.

Пане Губернаторе! Вы мѣнили нам консолидацио в релігійных дѣлах, ид вам поднимаеме наши очи и руки. Если маєте власть, зробѣть вже раз конець сей битангской анархіи.

Один из гр. кафт. из Синевира.

Подпіслися ци не подпіслися? В Черленовѣ таож попробовали русины, яка тата нова вѣра и як попує батюшка. На успѣши агитаціи агитаторов Юрка Тимка и якогось Курты черленовскѣ вѣрники стали дуже просвѣщенными и розумными и пришли на то, что тата вѣра, котра добра была их отцам, дѣдам, котра до тепер и их вела до спасенія и в которой находяться 300 миллионов из всѣх народов — не добра. Под коротким часом твердо переконалися, что агитаторы лѣпшу вѣру проповѣдують, як св. отцы, вселенскѣ соборы и навѣть сам Христос (та еще най смѣє ктось казати, что днесъ не случаться чудеса). Одного болотяного дня пошли до Звадова до жандаров и заявили, что они от нынѣшнаго дня стали „православными“. Стражмейстер, ди кто из жандаров зараз написав протокол и починалися подпisi. Айбо не было их там всѣх.

— „Toнич“, каже, головный агитатор „то мала хиба. Подпишу я сам мѣсто них“. И так ся и стало. Из подписов 50 имен писано было письмом головного агитатора. И крест

Рок 1924.

„БЛАГОВѢСТИК“

Сторона 13.

забыв положити за именами. А кто из присутных не хотѣв ся подписать на вѣроломство, того погрозив, что 100 корон буде платити комитетови. Мѣсто жон подписалися мужи.

Коли о сем дозналися наши ревнѣ вѣрники, протестовали против сих подписов. Айбо террор их занѣмив...

Теперь черленовскѣ дуже вдоволенѣ и щастливѣ. Не болить им, что бѣднѣ, что много порци треба платити, что русин русина збыткуе, что гине наш народ... то все нич, головное дѣло, что они мають одного бородатого батюшку, кто такій розумный, что переучився 74 книг из св. Писанія (неборак не знає, что вшитких лиш 72 е). Має одну украинську книжку „Проповѣди Савойки“ и из того голосить слово Божое. Айбо римскихъ дыфр уже не познає, бо и на XXVI-у недѣлю взял проповѣдь, написану на недѣлю XXV-у

Церковь теперь шизматики уживають, локи не прийдуть люде до розума и не вернуться назад у Христову Церковь. Дай Боже чим скорше! (б).

В Дудовѣ уже давно панує шизматицка вѣра. Ож як с иею люде вдоволенѣ, то явно свѣдчить то, что на днях пришла одна депутація до пана губернатора, чтобы разпорядив вернути гр.-каєоликам церковь, забрану шизматиками. На проосьбѣ подписано было больше як 30 особ. Губернатор ласкаво приняв депутацію, заявив, что он радо помагає бѣдному руському народному и сказав, что надѣєся, что в короткой будучности гр.-кає. вѣрники достануть назад свою церкви. Честнѣ вѣрники вернулися радостно назад до дому с тою надѣєю, что с новым губернатором настало благое время, в котором раз уже подержаться законы и конец положиться беззаконностям. Губернатор надѣєся, дудовскѣ вѣрники нальютися, та мусиме и мы надѣятися.

Новости

— О церковной унї. Товариство Св. Кирилла и Методія по поводу ювилея св. Іосафата, в Велеградѣ устроило нарады, под предсѣдательством нового оломуцкого архієпископа Пречана. На проєкт о. Вшетецкого принято: 1. чтобы Товариствоширило меж народом идею потребы соединенія церквей, 2. чтобы тоты товариства, котрѣ лиши на папери истнують, были оживленѣ и втягнутѣ до апостолата; 3. чтобы юношескѣ товариства и подобнѣ также працевали в интересѣ церковної унї. На проєкт Светлика рѣшено реорганизовать секретаріат апостолата и основати окремѣ секції югославянську, мацедонскую, украинскую и пр. На проєкт заступника нитрянского епископа рѣшено скликати всѣх епископов чсл. републики, Польши и

Югославіѣ до Велеграду, где бы обговорилися дальнѣ працы. Из сих нарад ясно, что интерес ко церковной унії росте. Дай Боже, чтобы ся прекрасна идея чим скорше здѣйснилася.

— Надужитя шизматицких агитаторов перевысшають всякѣ мѣры. Наши вѣрники вже не могутъ дальше терпѣти и примушенїе обернутися ко надзвичайным средствам. Так на днях одна бѣдна вдовиця, из Бедевли, мати 7. дѣтей супротив збытковань из стороны кривославных одѣхала аж до Праги и там зайдла до церковного реферата министерства школ, до канцелларії пана президента, до архіепископа Кордача и до самого апостолскаго нунція. Всягды скаржилася, оповѣла что шизматики на сну забрали гр.-кат. церков и хотяй гр. католики выиграли право репозиційное, однако администрація не передала церков и вже майже рок без церкви суть вѣрники гр.-католики, властитель той церкви. Старушка не бояляся повѣсти правду в очи пражским панам:

Панове, прийшла я узнати, ци е власти в нашей республицѣ, котра зробить у нас порядок. Ци можеме надѣятися на оборону со стороны найвищих властей против дикого терора кацапов и их патронов, поедных чеських урядников.

— Кедь есть подпалили панове, та гасѣть, або заженѣть ще больше жандармов и выстрѣляйте нас. Но се дальше так не може идти. Ибо мы житя не маеме.

Сяк говорить лиш остання одчаянность, лиш така остання нужда примусила нашу исповѣдницю зйти аж до Праги.

— Отъ хаты до хаты, изъ рукъ до рукъ. (Сей стихъ заславъ намъ Мих. Сушко изъ Славоніи и на его желаніе отсимъ печатаеме въ „Благовѣстнику“:

Тиха, сердечна, щира, спокойна
Мила и люба руська газета
Съ новымъ васъ рокомъ отсимъ витае
Всего доброго щиро желае.
Она подъ кожду стрѣху загляне
Приимѣть є радо, братя краяне
Въ всѣхъ рускихъ хатахъ най гомонить звукъ
Отъ хаты до хаты, изъ рукъ до рукъ.

Тамъ где нещастя, лихо и горе
Она съ пог҃хи словомъ поспѣе,
Душевну ниву она заоре
И святымъ, Божимъ, зерномъ засѣе.
Стане вамъ братомъ въ каждой пригодѣ,
Рада потѣху всегда подати
Охранить отъ слезъ и отъ всякихъ мукъ,
Давайте є, братя, изъ рукъ до рукъ.

— Славянство и римскій апостолскій престол. На праздник св. Николая докончилися в Риїв торжества на честь св. Йосафата и членій Восточнай Конгрегаціѣ появили ся перед св. отцем на авдиенції. Св. отець вдячно принял

депутацію, в котрой притомнѣ были и читомцѣ руськоѣ семинаріи. Пана довго говорив с членами депутаціи и больше раз выражив свою щиру любовь ко Славянам. Казав, что он не раз з своими властными очами видѣв, як красно и щиро моляться греко-каѳолики. „Скажѣть всѣм вашим землякам, як я той народ люблю, и колько много працуя, чтобы здѣйснилися слова Спасителя о одном пастырѣ и одного стаї“. Торжества св. Іосафата в римской церкви „al Gesu“ были дѣйстно величавѣ. Св. службу скончили преосв. Хомишин руський епископ из Станиславова (Галичина) с великою ассистенцією; присутных было на службѣ 12 карлиналов. При богослуженію спѣвали клерики руської семинарії из части по руськи, из части же по гредки. Всѣ присутнѣ переняли великом дивованіем, чуючи прекрасну мелодію наших церковных пѣсней.

Схизматики епископы посварилися. Не у нас, туй се не новина, но в Америцѣ. Исторія така: Як звѣстно в Россії двояка „православна“ вѣра; одна жива т. е. большевицка, друга стара, царьска. Случилося, что обѣ вѣры православнѣ послали своих епископов до Америки. Старѣй Шатона, новѣ же якогось Кедровского. Як сесь большевицкій епископ хотѣв зайти в один монастырь, черци вывергли его из церкви. Но пан Кедровскій заправотив старых и право выиграв. Право выиграв, но платоновцѣ не пущали его до церкви. Теперь в новинках нападають на друг-друга „православнѣ епископы“. То уже у ных така мода. Де не е головы, там не е и ряду.

— **Вселенскій собор** приготовляється на год 1927 в Римѣ. На сем соборѣ мають присутствовать около 2000 епископов из цѣлого свѣта; позванѣ будуть и епископы восточної и англиканскої церкви. Головним предметом собора буде унія, т. е. соединеніе Восточної и англиканскої Церкви:

— **Назад до Христової Церкви.** 7-го октября вернувшись на каѳол. вѣру Н. Simondson Univ. профессор в Копенгагену.

— **Выименування священников:** Стефан Андрашков, адм. в Лазѣх (Мал. Раковци) за адм. до Копиновец (ж. Бе-

режанск). Михаил Пензель, dochasn. адм. в Вел. Лазѣх за администр. (ж. Ужанска). Стефан Фесторій, неопресвитер за администратора до Березника (ж. Марош.). Антоній Гаврилла, неопресв. за адм. до Лаз (Мал. Раковци, ж. Угочанска). Андрей Дудинскій, адм. Жуковскій за адм. до Лохова (ж. Бережанска). Стефан Пуза бывшій сотрудник ракошинскій за адм. до Жукова (ж. Бережанска).

— **Выименування учителей:** Иван Лемак за п. уч. до Старого Давидкова (ж. Бережанска). Александр Треса за пом. п. учит. до Сельмы ж. Вережанска). Василій Кормош за п. учит. до Н. Доманинец (ж. Ужанска).

— Короткѣ вѣсти. Изъ всѣхъ греко-восточныхъ (схизматицкихъ) церквей одиноча арменска не пріяла еще досѣ новый (грегоріянскій) календарь. — Найбльша англицка газета „Times“ (ч. Таймс — Часы) не давно написала статю, что не есть уже далеко тот час, коли и англиканска Церковь соединяется съ рамскимъ апостольскимъ престоломъ.

ПЕРЕПИСКИ РЕДАКЦИИ.

Всѣмъ нашимъ читателямъ изъ щирого сердца желаемъ Веселѣ Святки и щасливый Новый Рокъ.

Богословамъ пращевской духовной семинаріи. Честь и слава вамъ молодѣ лѣвиты, что всѣ до единаго ступилисте въ гарду предплатниковъ „Благовѣстника“.

Ю. Секереш Вашу предплату на 1923 годъ передавъ намъ М. Гелебанъ. М. Г. Не можемъ мѣсто Венѣмина Блюминъ пишати, бо каждый мае право пожаѣти, чтобы его похвастанные имѣни называли.

СОДЕРЖАНИЕ:


НАШЕ РОЗДВО. Наука о вѣрѣ: Вступѣ. — БЕСѢДА: Слава въ вышнихъ Богу. — ИЗ ШИЗМАТИЦКОГО РАЮ: Веняминъ шизм. епископ въ гр. каѳ. церкви. — БОРЬБА ЗА ЦЕРКОВЬ. Крути-верти. Губернатор о законахъ Члов. Республики. Батюшка ногами топтавъ св. престол. Подписали ся, ци не подписали? Вѣ Дуловѣ. — НОВОСТИ.

РЕДАКТОР-ИЗДАТЕЛЬ:

АВГУСТИН ВОЛОШИНЪ

ОТВѢЧАТЕЛЬНЫЙ РЕДАКТОР:

ЕМИЛІЯЧ БОНШАЙ.



ГАРМОНИИ

обоихъ родовъ

доставляе

RUDOLF RAJKR a Spol.

основано р. 1894.

Hradec Králové (Cechy).

ОРГАНЫ

всѣхъ родовъ
и размѣровъ

буде и поправляе

Mstr. *Vaclav Weiss* varhonář

ve ZBUZANEK, р. Верогује и РАНУ.

Бывшій дѣвголѣтий управлятель фирмы J. SCHIFFNER. Буде и поправляе по цѣлой республици.

В КНИГОПЕЧАТНѢ „УНО“

МОЖ ПОЛУЧИТИ СЛЪДУЮЧЪ КНИГИ:

	Кч
1. Азбука Волошинова	7.—
2. Читанка „ II. кл.	6·50
3. Аритметика Волошинова I—II. кл. 2 кор., III. кл. 2 кор. IV. кл.	2·60
4. Методическая грамматика Волошина	5.—
5. Географія М. Григашія по русски и по мадярски	5.—
6. Малый катихизм	1·20
7. Средний „	3.—
8. Великій „	5.—
9. Мала біблія	3.—
10. Середна біблія	10.—
11. Наша правда в вѣрѣ от д-ра Ю. Гаджеги...	2.—
12. Прочто праздновати недѣлю а не субботу от д-ра Ю. Гаджеги	3.—
13. Біблейские вопросы с точки зрењія восточных церквей	3.—
14. Вѣнец, стихотв. Павловича	18·60
15. Великій Зборник	40.—
16. Середный „	24.—
17. Малый „	15.—
18. Ангел Господен	6.—
19. Марія Повчанскій Паломник...	16.—
20. Пѣсемник, от директора промысловыхъ школ Ф. И. Шпалы	12.—
21. Рисование для дѣтей с русским текстом	6.—
22. Рисование для дѣтей съ чешским текстом	4.—
23. Рисование геометричное	15.—
24. Ручна праця в школѣ с чешским или мадярским текстом	16·50

В том состояніи есме, что всѣм заказующим через
48 годин можемъ почтовно провадити.

Мальованя церквей

театральных декораций,
святых образов и пр.
крестиъ дороги, золо-
чения олтаров и фигур

замовляйте лем
у христіанской
 фирмъ

,,Colora“

komand. spol., umelec. zavod maliarsky
Сентрала въ Зиліне (Slov.). Tel. 183

озрахунки даром.
иѣны.

Дешевое чешское пѣрьё

1 kg. доброго сѣдого	18.—	К.
1 kg. пегбѣдного	22.—	К.
1 kg. бѣлого	32.—	К.
1 kg. найльницкого пуху 40, 50, 65	40, 50, 65	К.
1 kg. наихѣшша софта	80.—	К.
Готовъ перини 160, 200, 235, 280	К.	
Подушки . 48, 65, 80, 95 и 110 —	К.	


Высыпаю оплачено за песяльплатою.

Взорки даром.

Benedikt Sachsel

Lobzy 212 u Plzně :: Čechy.

ZVONARSTVÍ



ОКТАУ WINTER Brumov ČSR.

Книгопечатня Акційного Товариства „Уніо“ в Ужгородѣ.